

ՀԱՂՈՐԴՈՒՄՆԵՐ

Գ. Գրիգորյան

Ա. ՍՊԵՆԴԻԱՐՅԱՆԻ ՆՈՐԱՀԱՅՏ ՆԱՄԱԿՆԵՐԸ

Սպենդիարյանի արխիվում, որը պահվում է Գրականության և արվեստի թանգարանում, կա մոտ 2000 նամակ, որոնցից լրիվ տպագրված է միայն 25—30 նամակ: Սպենդիարյանի արխիվում պահվում են Սպենդիարյանի, Ռիմսկի Կորսակովի, Գլազունովի, Լյադովի, Արենսկու, Կյուիի, Հովհաննես Հովհաննիսյանի, Վարդգես Սուրենյանի, Յուրի Վեսելովսկու, Նիկողայոս Տիգրանյանի, Ռոմանոս Մելիքյանի նամակները: Նամակների այդ ֆոնդից մեզ համար բնականաբար ամենամեծ արժեքը ներկայացնում են Սպենդիարյանի գրած նամակները, որոնց թիվը հասնում է միայն 110-ի՝ շնայած եղած նամակների ուսումնասիրությունը ցույց է տալիս, որ նա պատասխանել է ստացած համարյա բոլոր նամակներին:

Որոշակի հետաքրքրություն են ներկայացնում Սպենդիարյանի այն նամակները, որ նա գրել է Վարվառա Ապոլոնովնա էրերլեին: Նրա հետ կոմպոզիտորը հանդիպումներ է ունեցել Մոսկվայում 90-ական թվականներին՝ իր երիտասարդական շրջանում:

էրերլեն եղել է երգչուհի. 1892-93 թթ. թատերաշրջանում երգել է Մոսկվայի Մեծ թատրոնում, հանդես գալով մի շարք գլխավոր դերերում: Այսպես օրինակ, Չայկովսկու «Եվգենի Օնեգին» օպերայում նա կատարել է Տատյանայի և Դարգոմիստովու «Ջրահարս» օպերայում՝ Նատաշայի դերերը: 1894 թ. սկզբներից էրերլեն եղել է Փարիզում և կատարելագործել ձայնը, միաժամանակ հանդես գալով ռուսական երգերի կատարմամբ և բալետային նվագով: 1897—98 թթ. թատերաշրջանում նա հանդես է եկել Շալյապինի հետ Ռիմսկի-Կորսակովի «Պսկովուհին» օպերայում: Մամոնտովի մասնավոր թատրոնում Շալյապինը կատարել է Իվան Ահեղի, էրերլեն՝ Օլգայի դերը:

էրերլեն, Սպենդիարյանից բացի, բարեկամական հարաբերությունների մեջ է եղել Շալյապինի, Վրուբելի, Լևիտանի և Փոքր ու Գեղարվեստական թատրոնների մի շարք դերասանների հետ:

Մենք ընտրել ենք հատկապես էրերլենի գրած նամակները, որովհետև նրանք ծանոթ չեն մեր երաժշտական հասարակայնությանը, շնայած այն բանին, որ բավական մեծ հետաքրքրություն են ներկայացնում: Նրանք լույս են սփռում Սպենդիարյանի կյանքի մի շրջանի վրա, որի վերաբերյալ քիչ տվյալներ և փաստաթղթեր են պահպանվել:

էրերլենի գրած նամակները թվով յոթն են. դրանք մենք հալոնաբերել ենք Մոսկվայում, ՍՍՌՄ-ի Երաժշտական կոլտուրայի կենտրոնական թանգարանում: Երիտասարդական շնչով, նուրբ հումորով գրած այդ նամակները հիմնականում ցույց են տալիս, թե Սպենդիարյանին որքան հրապուրել էր էրերլեն:

Ահա թե ինչ է գրում Սպենդիարյանն 1893 թ. հունիսի 4-ի իր նամակում. — «Ձեզ հետ ինձ նույնքան լավ էի զգում, որքան այստեղ իմ քույրերի և մորս հետ: Լինում էր և ավելի լավ. դուք իմ մեջ ոչ միայն անկեղծ ընկերության զգացմունքներ առաջացրիք, այլև ինձ մղեցիք դեպի նոր ստեղծագործությունների կերտում»:

Իր ողորմանքներից մի քանիսը կոմպոզիտորը մի առանձին ու նվիրական սիրով ձոնել է էրերլենին. այդ ողորմանքներից մեկ հասել են «Կոմպոզիտորում», «էլ վաղուց ոչ մի հարց» լիբրետային ողորմանները և Կոզլովի խոսքերով գրած էլի մի ողորման, որը մեզ չի հասել: Սպենդիարյանի այդ շրջանում հորինած շատ ողորմաններ առաջին անգամ կատարվել են էրերլենի կողմից: Սպենդիարյանի ողորմանները էրերլեն կատարել է՝ օգտվելով հեղինակի անմիջական ցուցումներից. օրինակ, 1893 թ. հունիսի 17-ի նամակում Սպենդիարյանը գրում է հետևյալը իր մի ողորմանի կատարման մասին, որը մեկ չի հասել. «Կատարման համար դա առանձին դժվարություններ չի ներկայացնում. կամ միայն մի անցում, որը փոքր ինչ բարդ է իր անսպասելիության պատճառով: Բայց մոդուլյացիային կարելի է արագորեն վարժվել, որ առանձնապես դուրին կլինի Ձեզ համար, Ձեզ հատուկ երաժշտականության շնորհիվ... Ինչ վերաբերում է կատարման երանգներին, ապա խոսքերը և Ձեր սեփական հրաշալի զգացողությունը Ձեզ կթելադրեն, թե ինչպե՛ս է հարկավոր ֆրազավորել իմ ողորմանս: Միայն մի բան կարող եմ ասել. պետք է ավելի շատ թախիժ լինի առաջին երկու քառյակում և ավելի շատ կրակ և ուժ վերջիններում: Երրորդ քառյակից սկսած, տեմպն ընթանում է ավելի արագ, եզրափակիչ նոտան պետք է ավելի երկար պահել: Դա կարող է հնչել մինչև նվագակցության վերջը, բոլորովին չխախտելով հարմոնիան. ընդհանրապես դա գեղեցկություն կտա»:

Աստված իմ, ինչքան երջանիկ կլինեի, եթե այս բոլորը կարողանայի Ձեզ ասել և Ձեր կատարմամբ լսել իմ ողորմանները»:

Սպենդիարյանի ողորմաններն էրերլեն կատարել է երաժշտականորեն, կարողացել է ճշտորեն և հարադատորեն արտահայտել հեղինակի մտահղացումը: 1893 թ. օգոստոսի 19-ի նամակում Սպենդիարյանը գրում է. «Ինձ համար շատ հաճելի է լսել, որ իմ ողորմանները բոլորին դուր են գալիս և որ Դուք այդ ողորմանները երգում եք հաջողությամբ»:

Չպետք է կարծել, որ Սպենդիարյանի վերաբերմունքը դեպի էրերլեն մի էպիզոդիկ համալսականություն է եղել: Մյուս նամակները հաստատում են, թե ինչպիսի անկեղծ ու անմիջական հիշողություններով ու զգացմունքներով կապված է եղել Սպենդիարյանը երգչուհու հետ: Այս բարեկամությունը անձնական մտերմության խնդիր չէր միայն, այլ ստեղծագործական հոգեհարազատության, ճաշակի ընդհանրության հետևանք, որ ամրապնդում էր նրանց մտերմությունը:

1893 թ. հունիսի 4-ի նամակում կարգում ենք. «Նոր էի եկել Սիմֆերոպոլ. երբ նոր ոգեշնչման հորդումն զգացի և հորինեցի մի ողորմանս Կոզլովի հիանալի խոսքերով: Այս ողորմանսը ես ձոնում եմ Ձեզ, եթե միայն նրանք չեն ձանձրացրել Ձեզ: Սակայն ի՞նչ արած, նորից նվիրում եմ «նրան, ով ոգեշնչել է ինձ»: Մոտ օրերս ես Ձեզ կուղարկեմ այդ ողորմանսը, խնդրում եմ ներողամիտ լինեք և երգեք այն, եթե Ձեզ դուր գալիս: Ես աշխատել եմ հարմարվել Ձեր ձայնին, Ձեր տեմպերամենտին, մտովի պատկերացրել եմ, թե Ձեր կատարմամբ ինչպե՛ս պետք է հնչի իմ ողորմանի յուրաքանչյուր հնչյունը, և եկել եմ այն համոզմունքով:

քին, որ այդ ուղմանսը Դուք կերգեք հրաշալի: Հույս ունեմ, որ Դուք ձեր խոսքի տերը կլինեք և չեք ստիպի երկար ժամանակ գտնվել Ձեր պատասխանի տանջալից սպասումների մեջ: Ել չեմ ասում, թե որքան է հետաքրքրում ինձ Ձեր պատասխանը, որպիսի անհամբերություն պետք է սպասեմ նրան, այն ինձ որքան կուրախացնի»:

Կոզլովի բանաստեղծության խոսքերով գրած ուղմանսը, ինչպես նշեցինք, մեզ չի հասել: Մեզ հասել է նույն բանաստեղծի խոսքերով գրած «Հրապուրել ես ինձ քո սև աչերը» ուղմանսը, որ գրվել և հրատարակվել է մինչև 1893 թ.:

Սպենդիարյանը, դեռևս բոլորովին երիտասարդ ստեղծագործող, կարիք էր դրում լսելու, թե ինչպես են ընկալում ուրիշներն իր գրածը. էրերլեի կարծիքը նրան առանձնապես հետաքրքրում էր, որովհետև էրերլեն արվեստագետ էր, վոկալիստ, հետևաբար կարող էր ավելի շատ և ավելի ճիշտ զգալ ուղմանների թե դրական, թե բացասական կողմը:

Սպենդիարյանը բարձր է գնահատել էրերլեի կարծիքը իր ստեղծագործությունների մասին: «Երբ աչքի կանցկացնեք իմ նոր ուղմանսը, — գրում է Սպենդիարյանը 1893 թ. հունիսի 17-ի իր նամակում, — խնդրում եմ հաղորդեք Ձեր կարծիքը, որն ինձ համար շատ թանկ է»: Մի այլ նամակում. «...ստանալով Ձեր պատասխանը, ես անհապաղ Ձեզ երկրորդ նամակը գրեցի և ուղարկեցի երկու ուղմանս: Իհարկե ինձ անչափ հետաքրքրում է այս ուղմանների ճակատագիրը. արդյոք նրանք կհասնեն Ձեզ, և Դուք ի՞նչպես կվերաբերվեք իմ նոր ստեղծագործություններին: Որեք շաբաթ անընդհատ ես ամեն օր անհամբեր Ձեզից պատասխան էի սպասում, սակայն իզուր: Հույսով եմ, որ Դուք այս նամակին կպատասխանեք և չեք ստիպի տանջվել պատասխանին սպասելով»:

Սպենդիարյանի նամակները ցույց են տալիս նաև, թե որքան լայն են եղել երիտասարդ Սպենդիարյանի հետաքրքրության սահմանները. նա իրեն չի սահմանափակել միայն երաժշտական բնագավառով, հետաքրքրվել է նաև թատրոնով, գրականությամբ և այլն:

Այս նամակներում Սպենդիարյանը հայտնում է այն ուժեղ տպավորություն մասին, որ թողել էր ռուս հռչակավոր դերասանուհի Սավինայի խաղը: Այդ տպավորությունները Սպենդիարյանն ստացել էր Սիմֆերոպոլում 1893 թ. ամռանը՝ արտիստուհու Ելույթների կապակցությամբ: Սպենդիարյանը գրում է այն շտեմնված հաջողության մասին, որ ունեցել է մեծ դերասանուհին Ե. Կարպովի «Վաղ աշուն», Ս. Սուվորինի «Տատյանա Ռեպինա» և Գոլդոնի «Պանդուկատուհին» պիեսներում: Սավինայի խաղը Տատյանա Ռեպինայի դերում Սպենդիարյանը համեմատում է Երմոլովայի խաղի հետ, նախապատվություն տալով վերջինիս: Միաժամանակ նշում է Սավինայի աննման խաղը պանդուկատուհու դերում:

Սպենդիարյանի ղեղադրական հայացքները արտացոլված են 1894 թ. ապրիլի 12-ի նամակում: Այս նամակից պարզվում է, որ էրերլեն վեճի է բռնվել Փարիզի կոնսերվատորիայի մի շարք ուսանողուհիների հետ Մասնեի նորաստեղծ օպերայի մասին, որը, մեր կարծիքով, պետք է լիներ «Տախ» բավական հայտնի օպերան, քանի որ այդ օպերան է բեմադրվել 1894 թ. սկզբներին: Էրերլեն դուր է եկել Մասնեի նորաստեղծ օպերան. Սպենդիարյանը ևս համոզված է, որ այդ օպերան զեղարվեստական մեծ արժանիքներ ունի «Ես համոզված եմ, — գրում է Սպենդիարյանը, — որ Մասնեի նոր օպերան աչքի է ընկնում այն բոլոր արժանիքներով, որ Դուք նշում եք: Ինչ վերաբերում է ղուտ թեորեթիկ կող-

մին, այսինքն գործիքավորմանը, հարմոնիզացիային և այլն, ապա այդ տեսակետից Մասնեն, ինչպես և ֆրանսիական շատ կոմպոզիտորներ, օրինակելի և կատարյալ կոմպոզիտոր է իր տեխնիկայի արտասովոր նրբությամբ»:

Այս նամակում Սպենդիարյանն իր հիացմունքն է հայտնում Սեն-Սանսի «Սամսոն և Դալիլա» օպերայի մասին. «Ամեն ինչ կա այնտեղ,— գրում է Սպենդիարյանը,— և լայնաշունչ մեղեդիներ, և խստաշունչ խմբերգներ և արևելյան օրիգինալ մեղեդիներ, որոնք վկայում են, որ կոմպոզիտորը հիանալի հասկանում է արևելյան երաժշտության ոգին: Հետաքրքիր է ի՞նչ կարծիք ունեն այս օպերայի մասին Ձեր կոնսերվատորուհիները,— հարցնում է էբերլեին Սպենդիարյանը:— Ձեմ կարծում, որ նրանք դատապարտեն գործիքավորումը և թեորետիկ անճշտություններ գտնեն Սեն-Սանսի մոտ, որը, չխոսելով նրա ստեղծագործությունների մեկողիականության, նրբության և օրիգինալության մասին, ամենաօրինակելի գործիքագետն է ու ամենակրթված թեորետիկը»:

Սպենդիարյանը միշտ պահպանեց իր սերը Սեն-Սանսի նկատմամբ:

Խոսելով էբերլեի ընկերուհիների բացասական վերաբերմունքի մասին դեպի ֆրանսիական կոմպոզիտորները, Սպենդիարյանն ընդհանրություն է դրսևում նրանց կարծիքների և ուսական երաժշտական քննադատ Կաշկինի կարծիքների միջև և քննադատում նաև վերջինիս: Սպենդիարյանը քննադատում է Կաշկինին այն բանի համար, որ նա՝ զովերգելով ոչ այնքան հուշակավոր ու կրահական կոմպոզիտոր Կորեշենկոյի երաժշտությունը, գտնում է, որ Գունոյի «Փառատը» անհրաժեշտ խորություն չունի, որ Գունոն ականավոր կոմպոզիտոր է երկրորդական կոմպոզիտորների մեջ:

Նա իրավացի էր, բարձր գնահատելով վերոհիշյալ ֆրանսիական կոմպոզիտորներին, հատկապես Գունոյին: Ահա թե ինչպես է արտահայտվել Գունոյի մասին Չայկովսկին 1878 թ. դեկտ. 24-ին Ֆոն Մեկկին ուղղված նամակում կ'սրդում ենք. «Փառատը»,— գրում է ուս մեծ կոմպոզիտորը,— գրված է, եթե ոչ հանճարեղորեն, ապա արտակարգ վարպետությամբ և նշանակալի ինքնատիպությամբ»:

Սպենդիարյանը քննադատում է Կաշկինին նաև այն բանի համար, որ նա Դելիբի, Սպենդիարյանի որակմամբ՝ «հրաշալի, պոետիկ, «լավ մե» օպերան իջեցնում է մինչև «օպերետային երաժշտության մակարդակը»: Սպենդիարյանը այս նամակում իր բացասական վերաբերմունքն է արտահայտում Արենսկու ու Կորեշենկոյի նկատմամբ՝ գտնելով որ նրանց ստեղծագործության բովանդակությունը «չոր է, անգույն, ձուլածո, երբեմն էլ շատ սովորական, որ նրանց հատուկ չէ մեկողիկ հնարամտություն, իսկ նրբության մասին ընդհանրապես ավելորդ է խոսել»: Իր այս կարծիքը նա կոնկրետացնում է սիմֆոնիկ նվագախմբի համար Արենսկու դրած առաջին սյուիտի օրինակի վրա:

Սպենդիարյանը գտնում է, որ Արենսկու սյուիտն անգույն է, բայց ունի անվիճելի արժանիք, որը՝ նրա գործիքավորման վարպետությունն է:

Ծանոթանալով այս նամակներին, մենք տեսնում ենք, որ դեռևս երիտասարդական շրջանում դրսևորվել են կոմպոզիտորի ինքնուրույնությունը արվեստի երևույթների գնահատման հարցում, նրա նուրբ ճաշակը, էսթետիկական հստակ դիրքավորումները և մարդկային հոգու թանկագին հատկությունները՝ անկեղծությունը, անմիջականությունը, ջերմ սիրտը: